



Inatsisartunut ilaasortaq Sara Olsvig

INDGÅET

11 JUNI 2015

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Inatsisartut suleriaasianni § 37 naapertorlugu apeqquteqaat nr. 144-mut akissuteqaat, Kalaallit Nunaanni sulisinnaanermut najugaqarsinnaanermullu uppernar-saammik pisinnaanermut atatillugu peerarilersimanermik tunngavilimmik inatsisigtigut ajornartorsiutaasinnaasut, kiisalu tamanna Naalakkersuisut qanoq isumaqarfigineraat, aammalu Naalakkersuisut tamanna iliuseqarfigilersaarneraat pillugu?

04-06-2015
Sags nr. SJ-STD-ISNK
Dok. nr. 1984405

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Akissut:

Qujanaq apeqqutinnut, AG-mi allaaserineqartoq atuarakku allaaserisaq aamma uannik attuivoq. Taamaattumik assut iluarpoq suliap taamaattup qanoq tunuliaqutaqarsinnaanera qulaajassallugu.

Aallaqqaamullu malugeqqussavara suli Danmark-ip oqartussaaffigimmagu nunanut allamiunut tunngasumik suliassaqarfik, taamaattumillu aamma Danmark-imi misissorneqartarmata suliani ataasiakkaani tunuliaqutaasut, tassanilu missuinerit tunngavigalugit aalajangerneqartarluni sulisinnaanermut najugaqarsinnaanermullu akuersissummik tun-niussinissamut itigartitsisoqassanersoq akuersisoqassanersorluunniit.

Suliamik ingerlatsineq siuliani pineqartoq taamaallaat Danmark-imi Nunanut Allamiunut Aqutsisoqarfimmi – Udlændingestyrelsen-imi – ingerlanneqartarpoq, Kalaallit Nunaallu (Inuussutissarsiornermut, Suliffeqarnermut Niuernermullu Naalakkersuisoqarfik) taamaallaat akulerunneqartarpoq maani pissutsinut tunngasunik oqaaseqartitsisoqasatillugu, tamatumani minnerunngitsumik maani isumaqatigiissutinik atortitsinernut tunngasuni. Taamaattumik Inuussutissarsiornermut, Suliffeqarnermut Niuernermullu Naalakkersuisoqarfiup misissorneq ajorpai suliani pineqartuni tunuliaqutaasut, taamaammallu aamma Danmark-imi Udlændingestyrelse nalunaarfigisinnaanagu suliani aalajangersimasuni qanoq periaaseqarnissaanik.

Danskit nunani allamiunut inatsisaanni ilaatigut piumasaqaataavoq uppernarsarneqarsinnaassasoq aappariittut inooqatigiissimaneq najugaqatigiilluni piffissami sivisunerusumi, aappariittut katissimasutut inuunnermut sanilliunneqarsinnaasumik, taamalu ilaqutariittut ataatsimoortinneqalersinnaasutut. Tamatumuuna pinngitsoortinniarneqarpoq eqqunngitsumik tunngavilimmik inuit aappariittut inuuneqarnerarsinnaanerat, Danmark-imi najugaqarsinnaanermut akuersissummik pissarsiniaannarlutik. AG-mi allaaserisamik uanga paasinninnera naapertorlugu tamanna inuit taakkua ajornartorsiutigisimavaat, ukiuni arlalinni imminnut sammisimagaluarlutik, kisiannili piffissani sivisuuni immikkut ineqartarsimagamik.

Danmark-imi, Nunani Avannarlerni imaluunniit EU-mi innuttaasoq, Kalaallit Nunaannilu

suliffissamik neqeroorfigineqarsimasoq, tamanna pisumi aalajangersimasumi pisariaqarpat sulisinnaanermut akuersissummik qinnuteqarsinnaavoq, ukioq ataasiakkaartumik atortinneqartussamik.

Nunani allani innuttaasunut tunngasumik suliassaqarfiup nunatsinnut akisussaaffinngorlugu angerlaanneqarnissaa maanna Naalackersuisuusunit pingaartinneqartut ilagaat, taamaattumillu danskit oqartussaasuilu suliaq tamanna pillugu suleqatigiinneq aallartereersimavarput.

Suliassaqarfiup pineqartup angerlaanneqarneratigut suliassaqarfimmut naleqquttunik nammineq maleruagassiornissatsinnut periarfissaqalissaagut, maleruagassiassatsinnilu isiginiarsinnaassavarput ilinniagartoortatta nunani allani ilinniareersimallutik nunatsinnut angerlarsinnaanerata, tassanilu ammaassinnaallutigu innuttatta qanigisatik asasatillu aamma nunatsinnut angerlaqatigisassagaat.

Inussiarnersumik inuulluaqqusillunga

Med venlig hilsen


Vittus Qujaukitsoq
Naalackersuisoq